
Tazyiq va zo'rvonlikdan jabrlangan shaxslarga ijtimoiy xizmatlar ko'rsatish takomillashtiriladi

"Tazyiq va zo'rvonlikdan jabrlangan shaxslarga ijtimoiy xizmatlar ko'rsatishni takomillashtirish bo'yicha qo'shimcha chora-tadbirlar to'g'risida"gi Prezident Qarori (PQ-175-son, 10.05.2024 y.) qabul qilindi Qarorga ko'ra, tazyiq va zo'rvonlikdan jabrlangan shaxslarga "oila - mahalla - tuman va hudud" tamoyili asosida kompleks ijtimoiy xizmatlar ko'rsatish tizimi joriy etiladi.

2024 yil 1 iyundan:

tazyiq va zo'rvonlikdan jabrlangan yoki jabrlanish xavfi ostida bo'lgan xotin-qizlarga himoya orderi talab etmagan holda ijtimoiy, psixologik va yuridik xizmatlar ko'rsatish tartibi joriy etiladi;

xotin-qizlarga nisbatan tazyiq va zo'rvonlik holati ichki ishlar organlari navbatchilik qismining "102" telefon raqamlariga kelib tushgan murojaatlar asosida ro'yxatga olinadi;

tazyiq va zo'rvonlik holati yoki ularni sodir etish xavfi aniqlangan paytdan e'tiboran 24 soat ichida quyidagilar amalga oshiriladi:

xotin-qizlar faoli va mahalladagi profilaktika inspektori ishtirokida tazyiq va zo'rvonlikni sodir etgan shaxs bilan suhbat o'tkaziladi;

profilaktika inspektori tomonidan himoya orderi rasmiylashtiriladi;

tazyiq va zo'rvonlikdan jabr ko'rgan xotin-qizlar va ularning voyaga yetmagan farzandlari markaziy tuman (shahar) shifoxonalarining shoshilinch qabul bo'limlariga joylashtiriladi;

rasmiylashtirilgan himoya orderlari va jabrlangan shaxslarga doir ma'lumotlar "Inson" markazlariga "Yagona milliy ijtimoiy himoya" axborot tizimi orqali yuboriladi.

Doniyorjon Aliboyev,
Rishton tumani Adliya bo'limi yuridik
xizmat ko'rsatish markazi bosh yuristkonsulti.

2024-07-06 18:18:58